

北京圖書館 編

北京圖書館藏珍本
年譜叢刊

第 143 冊

北京圖書館出版社

□ 北京圖書館 編

北京圖書館藏珍本
年譜叢刊

北京圖書館出版社

第 143 冊



第一四三冊目錄

石隱山人自訂年譜	一
無成錄	一一
凌臺府君年譜	八七
朝議公自訂年譜	二〇九
王寶仁自述行年紀略	二九三
劉孟瞻先生年譜	四一九

石隱山人自訂年譜

朱駿聲遺著
孫師轍補注

山人姓朱氏

乾隆五十三年戊申二月二十三日丙辰未時生於蘇州府城調鼎里名駿聲字豐苞號允情小名慶元曾祖鏞妣張氏沈氏祖
機妣沈氏俱歿繼祖妣金氏父德垣是年三十有五妣張氏生妣程氏

五十四年己酉二歲二月二十三日週歲明日嫡母張太孺人慶四十是年世父德基游幕廣東

五十五年庚戌三歲識字數百

五十六年辛亥四歲解四聲張太孺人授以唐律能頃刻背誦數十首

五十七年壬子五歲讀四子書仍秉慈訓

五十八年癸丑六歲

五十九年甲寅七歲承庭訓始誦五經

六十年乙卯八歲受經於世兄顧蘭皋名學富時蘭皋師受業於先府君館於吾家三載夜則府君自課五月十八日金太安人

七十壽

嘉慶元年丙辰九歲十三經以次讀竣兼讀古文秋學爲時文自開筆以至鄉薦皆先府君親自督課無間

二年丁巳十歲七月二十一日寅時大母金太安人壽終距生於雍正四年五月十八日酉時年七十有二冬應縣府童子試

三年戊午十一歲七月聘徐孺人宛平舉人湖南安鄉縣知縣東屏世伯元庚之女東屏公大父授業弟子也

四年己未十二歲縣府試皆終場

五年庚申十三歲院試六月十三日平江書院甄別都尊任曉村夫子諱兆綱拔取內課第四名時山長吳竹堂年祖諱壽極垂

青誦，每試輒列高等。同學院者，有謝炳奎、蔣廷榮、譚瑞、袁夢、葉琳、趙廷椿、陸仁熊、周鑑、錢彭、希鍾、李虎臣、郊、掄才、尤崧、夏、灝。
倪東旭、張雲、仲、嚴、昂、青、胡、國、英、沈、齡、度、張、齡、王、普、階、徐、昂、陶、文、植、薛、謙、吳、謙、李、師、杰、王、會、國、邵、鶴、申、南、金、朱、鶴、書、顧、道、鼎、諸、人。
師轍按：家君小桃源筆記云：先博士十三歲作孔方傳。

六年，辛酉，十四歲。十一月初一日，縣試第四名。十二月初七日，府試第一名。元和令舒石溪夫子。諱郡守任曉村夫子。諱是年仍庭訓，間命開業於徵士任心齋姨丈。兆進士莊樸園世丈。學和十一月，祖妣金太安人合葬於陽山祖塋。十二月，湯姑母歿于淮安。

七年，壬戌，十五歲。二月十九日，院試入府學，履歷十三歲，學使平寬夫子。諱五月，入紫陽書院附課肄業，時宮詹錢竹汀夫子主講席，宮詹亦十五歲入泮，是年重游泮宮。初謁時，有傳授衣鉢之語，極蒙獎借，以國士目之，並許受業。十月，書院升外課。是年，隨侍卜三英世伯宅讀書。

八年，癸亥，十六歲肄業紫陽書院，升補內課。間開業於張大令午園。諱夫子，張，山東人。是年大水，市米翔貴。

九年，甲子，十七歲。在家教授生徒。自是至甲戌年，共十一載。學徒有茂才、王安、潤、吳、近仁、朱、光照等。秋鄉試薦卷，出李。諱夫子房。中丞汪稼門夫子。諱以諸生墨卷甄別書院，仍取內課。是夏中丞在書院決科，三文一詩，憶與先君子及徐少鶴世長一室，構思達旦，三人同出。十月二十九日，申時，丁生母程太孺人憂。距生於戊辰八月初七日未時，壽五十有七。是夏大雨，水災，米昂貴。

十年，乙丑，十八歲。正月二十二日，扶程太孺人柩權厝於府學西放生庵竹園內，授徒於家。仍肄業紫陽書院，給諫、馮、賈、應夫子。諱主講席。是月，公饒大司寇姜杜入都。十月，侍府君往浙江天竺寺。是年，制軍鍾梅庵保奏建正誼書院於滄浪亭。

十一年，丙寅，十九歲。二月，調入正誼書院肄業。中丞汪稼門夫子開課紫陽，以府君同在一院，適有孝廉譚雲亭、茂才、諸芝田、喬梓同肄業正誼，因與雲亭文對調。時正誼山長編修汪文塘夫子。諱汪，安徽全椒人。十二月，服除。授室徐氏。先是允聘後，外

男歿於京師，徐孺人姨夫李味莊，諱廷敬任松東兵備道，撫爲寄女。是年，自上海來歸。

十二年，丁卯，二十歲。秋，鄉試不售。恭送稽筠心太世伯入祀鄉賢。十月，長女瑞芝生。十二月初九日辰時，丁母張太孺人憂，距生於庚午二月二十四日寅時，壽五十有八。

十三年，戊辰，二十一歲。八月，開恩榜，未與試。十一月初四日，妣張太孺人生妣程太孺人合葬于陽山新阡。是年四月，庶母張氏來歸府君。

十四年，己巳，二十二歲。正，道山長爲給諫吳江費鶴江夫。諱振勳先府君仿聚珍版刊活字數萬，印宋吳曾能改齋漫錄二百部，命予襄校。

十五年，庚午，二十三歲。服除。鄉試，薦卷出沈諱邦基夫子房。師繼按庚午女史百詠是年所作

十六年，辛未，二十四歲。二月，學使劉而芳夫子諱之歲試，取一等第六名，食館，旋舉優行。自補弟子員後，十年中，五遇歲科，俱未試，一疾病，四守制，至是始受知於劉師。

十七年，壬申，二十五歲。納妾錢氏。是年，正，道山長爲農部吳燮堂世伯。諱頤

十八年，癸酉，二十六歲。鄉試不售。冬，病傷寒，幾殆。徐炳南周彩東林蘭坡諸醫活之。舊患偏頭風十餘年，至是右目傷短視，而風疴亦廖。是年，郡學建尹文端陳文恭二公合祠，隨方伯慶蕉園夫子諱保恭送入祀。

十九年，甲戌，二十七歲。四月，大妹生。是年，因旱大飢，官賑易米以錢自此始，貧民稱便。

二十年，乙亥，二十八歲。七月，遷居盤門內梅家橋安安街。

二十一年，丙子，二十九歲。正月，館馬大猷衛汪氏，學徒上舍汪德增。八月，鄉試金陵，大病半月。

二十二年，丁丑，三十歲。仍館汪氏，在遷居閣門外北濠四瀝渡口。

二十三年，戊寅，三十一歲。鄉試。九月十四日，報捷，中式第十名，履歷二十九歲，大主考少司寇帥仙舟夫子，承副主考侍御盧

秋。諸夫子。房。安徵來。安令楊景山夫子。所監臨中丞陳鑑谷夫子。監試司馬經鏡西夫子。十月。往江陰謁學使。

少宗伯湯敦甫先生。金劍填親供。又往揚州。考入孝廉堂肄業。時直指厚庭先生。阿克當阿。山長為同鄉。預南雅侍講。

二十四年。己卯。三十二歲。正月。入都會試。出侍御陳偉堂夫子。房。留京與金所香同館內城。予在東四牌樓十條胡同福宅。

學徒有色克爾河。正白旗人。秋。患痢。月餘。服藥。排石方愈。從排石處借得昭陵碑一函。是年。恭遇仁宗睿皇帝六旬萬壽。九月。

二十五日。敬往倚虹堂。明日接駕。隨至隆宗門。進呈萬壽詩冊。十月初六日黎明。午門祝釐。拜跪如禮。會有河工漫口事。上。

意不念。獻冊諸臣。俱未邀恩召試。

二十五年。庚辰。三十三歲。留京。會試出司業周鼎圭。名之琦。房。五月。自都中旋里。仍館汪氏。學徒有茂才管蘭滋。浙江湖州籍。上。

舍許邦治。直隸通州籍。茂才那大鈞。江陰籍。是年。七月二十五日。仁宗睿皇帝龍馭上賓。

道光元年。辛巳。三十四歲。仍館汪氏。十月。師師薦掌浙江嵊縣山書院教。

二年。壬午。三十五歲。正月。入都會試。五月。次妹生。予留京。仍館福氏。兼為教授。侍郎。該安。書記。時同鄉舊雨及都人士詩酒過。

從者。有徐少鶴。陳師竹。張白也。吳有庚。金胡石夫。希周。彭詠棻。趙華。額。排石。元熙。張子畏。黃。徐燮堂。口。何紫人。

觀。明古漁。明鼎雲。訓。鄂雲浦。廣安。玉若山。劉玉岐。諸君。五月。往蘆溝橋劉家峪掃外舅墓。八月二十七日。附方伯。

玉賜山。舟至天津。謁都轉葉筠潭。紹本。九月。回京。是年。揀選以知縣用。嵊縣令葉桐封請主刻山書院講席。

三年。癸未。三十六歲。留京會試。出同年徐士芬編修房。四月。因事往馬蘭峪瞻仰高壽吉地。旋回京。九月二十八日。考教習。一文。

一詩。六月十三日。考國子監學正。一文一策。俱未獲選。八月。自京水程歸。十月抵里。十一月。長女許字蕤門內十全街王仁誥。

四年。甲申。三十七歲。家食。十一月。往浙江師師處祝壽。留三日。隨往嵊縣山書院。時新任嵊令宮樹德。是年。纂修郡志。咨部列。

名貢舉。按。小正。補。後。附。有道光。四年。里。候。表。書。當。成。子。是。年。

五年。乙酉。三十八歲。二月。張蘭洛中丞聘掌書記。兼佐招奏。四月。大妹許字雲門外。燦熙長子元鼎。六月。中丞調任安徽。因親。

老辭不往七月署吳江令劉別觀文聘入幕兼教松陵書院。是年四月又應青浦令蔡維新主講青溪書院之聘。十月初十日皇太后五旬萬壽。

六年丙戌三十九歲會試不第。三月二十八日在內閣大挑二等。王大臣爲悼親王托津汪公廷珍松筠公奕經公昇寅公韓公鼎普七人出都往杭州候署臬部顧安公即旋里。

七年丁亥四十歲三月就館揚城謝司寇第弟子附生謝增其會祖未堂先生爲先大父同年十二月旋里是年吾蘇陶雲汀中丞桑芷鄰方伯陳芝楣太守重修滄浪亭又建五百名賢祠。

八年戊子四十一歲仍館揚州著六十四卦經解十二月旋里。繼按唐李賀小傳稱旁注戊子七月亦此年所作

九年己丑四十二歲正月大病月餘三月中旬仍往揚州六月文匯閣輯校書籍往讀未見書又瞻仰史忠正公遺像幀子及殉節時家書墨蹟九月游梅花嶺仰止開部墓是年吾蘇陶中丞于樹橋給關重建文星閣又五百名賢祠告成。

十年庚寅四十三歲仍館揚州九月二十七日已時悼亡室徐孺人生於乾隆己酉十二月初四日亥時卒年四十有二在邦聞耗十月初蒼黃歸家大病幾殆兩月始瘳十二月葬徐孺人於陽山新塋昭位之左。

十一年辛卯四十四歲正月初八日子時丁府君憂府君壽七十有八四月京報選授安徽旌德縣訓導守制十月應嘉定令姚壺峯大成筆墨之聘初五日到粵。

十二年壬辰四十五歲正月往嘉定二月旋里接到揚州崔俊瀾新開書延課子姪三月往揚州十二月旋里。繼按孔孟紀年後二年冬月因論聖賢出遺書此以授崔子聯保聯保當是後瀾子姪輩

十三年癸巳四十六歲四月服闋嫁女於王仁誥七月至山東省城應金鄉令崔之聘九月家中大妹出開。師繼按書經古法訓定聲者疑爲說文後說語何以刊本無之復核年月不符還檢還著見書經古法傳先生字也即爲先大父刊說文通書識語後因民亂書卒未刊遺稿今尙保存正不知什梓何年耳茲特錄識語于下余讀年來著書九十餘國無不刊之國衍此書道光癸巳在濟南脫稿者忽忽二十四稔矣日暮途遠人間何世自尋散帶之享已無還梨之望今得博雅好古之

士友傳宗兄見其可憐為之參校校終終而行之非其幸歟余老矣得一知己可以不恨所尤幸者于流離顛沛之中乃獲此實心樂事也咸豐六年二月石隱朱駿聲議又按余前編傳經室文集時此稿未補入

十四年甲午四十七歲。仍館山東。正月二十日申時，妾錢氏病故，聞耗。秋弟子謝增中式。師報按文集答太歲太陰問一篇此年所作

十五年乙未四十八歲。會試，出邢福山房，未第。予前選旌德縣校官，因艱未赴任，服闋，未選到，又值王大臣為肅親王等大挑，因歸應補班，仍挑教職。四月，出居庸關，至延慶州，候童春海刺史，恩同遊八達嶺，摩崖題名共四人，予與浙江童恩四明張忠恕

姚江張嗣鴻也。回京，五月出京，仍假館揚州謝增家。

十六年丙申四十九歲。會試，出周春鑾房，仍不第。五月，出京，道揚州，六月抵里。八月選授安徽縣訓導。十月初十日，辭府君于長邑二都十三圖南中因字圩陽山新阡，續妻錢氏於新阡，十一月，女瑞芝產歿，生外孫丙生。

十七年丁酉五十歲。正月，江陰令蕭聘暨陽書院講席，林少穆先生推轂也。四月，往江陰，又至揚州，又往安徽江縣候趙大令，亨喬六月旋里。七月初二日，陳芝桐先生考驗。八月，繼室倪需人來歸。十一月初二日，到縣教官任。同寅丹陽東名選，丁卯舉人，其子應椿，受業於予。

十八年戊戌五十一歲。正月，送府試。四月，送院試。

十九年己亥五十二歲。四月，送府試。六月，送省試。十一月，送院試。

二十年庚子五十三歲。秋，納妾高氏。弟子丹陽東應椿中鄉榜第四名。

二十一年辛丑五十四歲。三月，送府試。閏三月，送院試。五月，外庶姑倪郭氏卒於署。

二十二年壬寅五十五歲。四月二十五日巳時，雙壽生。八月，送府試。十月，送院試。師報按是年夏為朱晉康講佩章之室就語秋七月擬品已求賢詔

二十三年癸卯五十六歲。正月，庶母張氏卒於蘇城。是年初次俸滿，十月往府道潘燕各憲驗看。

二十四年甲辰五十七歲。正月，送府試。三月，送院試。十一月，邑建節孝總坊四千餘口，予於三年中，一手經理。

二十五年乙巳五十八歲。送府試。六月，修造衙署，八月竣工。九月，送院試。是年，恭遇覃恩，贈封父母。

二十六年丙午五十九歲正月倪儒人送三妹回蘇

二十七年丁未六十歲二月倪儒人自蘇回署是月送府試三月送院試夏三妹許字同郡陸一鳴之子贅六月開雕自著說文

通訓定聲一書門生朱鏡客肩其事師繼授職補注序云道光丁未十月奏府居內日臥請風賦問起讀王叔師注有不淑于心者忘其奔陋輒爲補訂如左云云知爲此年所著

二十八年戊申六十一歲七月全書告成住太平府謁見羅學使敦衍並送書兩部十月送院試病足歲除始愈是年門生程朝

鉅及其弟朝儀來受業師繼授古今韻學序書成於是年仲夏

二十九年己酉六十二歲二月初七日高氏生男塲閏四月印書二百部六月二次修滿九月往府道藩撫各憲驗看以勸職留

任皖南道張鶴生同鄉委任安慶池州二府屬十二縣查辦事件十一月旋署師繼授職補注序云道光丁未十月奏府居內日臥請風賦問起讀王叔師注有不淑于心者忘其奔陋輒爲補訂如左云云知爲此年所著

三十年庚戌六十三歲正月十四日宣宗成皇帝龍取上賓是月送府試四月送院試五月旋署恭遇皇上登極覃恩加一級是

科會試弟子謝增進士及第一甲第三八月三妹故于蘇城倉米街九月女多保生十二月十一日接到撫藩行文於九月三

十日准部文戊寅舉人現任教職載取知縣到班八月二十四日奏旨咨取是年廣西金田村天主教匪洪秀全等謀逆起事

咸豐元年辛亥六十四歲正月送府試院試三月旋署六月督府領文請咨八月旋署九月領咨入都十一月初抵京二十四日

在禮部呈遞說文通訓定聲一書十二月十一日禮部代奏進呈御覽二十三目奉諭「前據禮部奏江蘇舉人安徽縣

訓導朱駿聲呈遞說文通訓定聲一書當交南書房翰林詳加閱看進呈朕覽餘披覽引證尙爲賅洽頗於小學有裨朱駿聲

著賞加國子監博士銜以爲留心經訓者勸欽此」遂不就職取不赴春闈領部照回任是年八月初四日逆匪陷廣西永安

州師繼授是年爲朱駿聲州總撰至玉山登文集序

二年壬子六十五歲正月自京起程回南二月抵安慶省城三月回署接印任事是年二月十七日逆匪自永安州竄擾廣西桂

林省城四月初一日解圍初四日陷興安縣旋陷全州二十五日陷湖南道州六月初八日陷江華縣十三日陷永明縣二十

七日陷嘉禾縣二十九日陷桂陽州七月初三日陷郴州又陷永興縣安仁縣攸縣醴陵縣二十八日圍長沙省城十一月初

三日，自長沙賈陷岳州府。十一日，自臨湘縣至湖北。十二月，陷漢陽府。旋于初四日陷武昌省城。

三年，癸丑，六十六歲。二月，始於縣北城外石村買房屋，將隱居於此。六月，奉府札委同全椒縣訓導潘申恩，勸諭捐輸，以資軍餉。是年正月十二日，逆匪至江西，九江失守。十六日，陷安徽東流縣。十七日，陷望江縣。同日，安徽省城亦失守。二月初十日，江蘇江寧府失守。四月初，滁州失守。二十一日，鳳陽府失守。

先師自訂年譜絕筆於此，後五年，係朝儀據挑源日記訂補。

四年，甲寅，六十七歲。正月二十三日，逆匪陷祁門縣。二月初一日，至縣，予與同寅周槐，隨同地方官嬰城防堵。初四日，邑令田荊率鄉團擊退逆匪。五月，接部文自咸豐四年起，闕帝升入中祀，舞用八脩，樂奏六成，與文廟同。

五年，乙卯，六十八歲。足疾作，養病漳溪數月。七月初九日，康熙皇太后升遐。是年三次俸滿。十月，具履歷移縣轉詳府道審撫各憲。師謝懷是年春有答費池拔貢陳信香論學書。

六年，丙辰，六十九歲。患肩風毒外症。二月，為雙壽納聘一都程氏。三月，接本府告示，徽州府歙縣黟縣俱加文武學額各二名。五月，升江蘇揚州府教授。時同寅周清午先生歿於任，奉委兼理縣教諭，知照暫緩領憑赴揚。九月，外孫王叔沂入長洲縣學第九名。

七年，丁巳，七十歲。二月十七日，為雙壽授室。四月，以疾劇告病。五月，上憲委休寧令四福田帶同醫士驗看，轉詳允准。移居石村，遂號石隱山人，旋入漳溪養病。

八年，戊午，七十一歲。正月，延門生程朝鈺授壽兒舉業，為更名孔陽。十月疾篤，自漳溪回石村。十六日戊午卯時，山人卒于石村。

先師嘉言懿行，不可殫述，謹以聞見所知，附證於後，以備誌傳之採擇焉。

師之入蘇撫幕也，裁答箋簡，日以百計。暇則從中丞上下其議論，講陳吳中因革利弊，民風吏治，悉中窳要，與凡山川之夷險，

文獻之盛，雍熙而談，瞭如指掌。中丞深加歎服。告幕中友曰：「朱君品醇學富，殆非慕道中人。既中丞調任安徽，訂師同往，師以親老辭。」

師愛重人才，所至必加物色。初抵黔，知廩生汪君南士，文豪好古士也，即折節與交。晨夕相質難，經史答問一書，因之而作。南士沒，貧無以殮，師弔詣其室，贈俸成喪。宿艸已深，猶時時致惜，謂學人難得云。

周清午先生莅教未久，卽際時艱，子婦相繼沒，冷爨久罄，師極力周卹，每值流離顛沛，必挾與俱。丙辰夏，竟卒于任，師首贈三十金，并爲致書邑紳從懷百金，付其甥黃得寓葬，整城之西，封識如禮。

師之初來黔，與家君傾蓋如故。師齒方倍于家君，卽訂忘年交。故儋少長署中，視師猶父。師嘗得家君爲古道君子，不當于今人中求之。迨師晚年，暨身後事，家君皆一力維持，蓋不敢以死生之故，稍負吾師，而師早于訂交時知之。

師以載取入都也，因進呈自著書，蒙賞加國子監博士銜。將治歸，門人謝夢漁侍御新及第，請師試春闈。師笑曰：「自宦隱桃源，久不踏春明路矣。今幸黃扉留跡，此去便當歸田耳。既都中故舊留之者衆，師乃留刺辭謝，輕車出都門。」

師少寡兄弟，既宦黔，值春秋祭祀，念先人邱墓，則愴然涕下。卸任後，寓書于從姪少英，欲效范文正故事，置立義莊，爲商略規條，將以歸田日行之。

師嘗自製聯云：「禮以制心，于古聖昔賢行事無所媿，學惟爲己，非三代兩漢之書不敢觀。」又云：「合漢唐宋而成學，通天地人之謂儒。」又嘗夢中自書屏風一聯云：「孝弟忠信師乎民，是亦爲政；學業文章斬于古，聊以自娛。」

先師宋允清夫子，自青年讀一卷，歷年割記之，行未以示人，易資始獲見之。其甲寅以後，則如當由明際時，有所不忍紀也。吾師少壯好學，老而彌篤，所著書多至九十餘種。壬子春，自都中歸，猶記乾手自操抄，雖甚遲暮不輟卷。僕嘗從容以漢精衛神請，師頗謂此忘疲，然意似小納。自是日事搜討，夜則究心老莊，率以爲常。嘗曰：「八十一章道德之言，三十三篇道遠之言，予晚年所寄目力者此耳。」僕見師神明矍鑠，不減少年，私心竊幸，以爲期頤可卜。詎甲寅乙卯以來，參差顛沛，致抱沈疴，其操抄要未嘗少間也。蓋師其年，曠侍几杖之日多，師極垂青睞，旬日不至，則走匭相招。丁巳秋，師入漢陽，曠亦攜地鄉聞，音問稍疎。今年九月，間疾復發，見師于秋禱間，猶諒諒以勤學好問爲懷。然曠雖呻吟，實似甚苦，心竊憂之，而未敢發也。已而曠有武林之役，比歸，則聞師于十月間遽赴道山，悲從中來，以

如雨下，公遂趨碩所，竭情慟哭。哭已，暗仰世兄于古大，中我泣授此卷，及師生平統源日記，屬為訂成。惟師續學積行，無愧古人，異時文苑儒林，將榮國史，典型具在，致使無徵，讓受而訂之。繕寫既成，仍付仲我，俾得請于大人先生，賜之諸錄，俾傳光泉壤，隨生者感且不朽即香。師亦嗚呼于九京也已。爰綴後識。

先大父自訂年譜，絕筆於咸豐三年，後五年事，門人陽朝漢所補。先大父時遭亂離，感世世變，憂深家國，體氣衰，遺恨風痺，不復乘筆。退隱北石村，自號石隱山人，雖習醫病，猶時時著書，口授。家君及弟子程朝廷朝漢等錄之。生平著述，都九十餘種。然自我于年譜者，僅六十四卦經解（八卷即古易會通）及說文通訓定聲二種，尚有春秋平議三卷，春秋三家異文跋一卷，春秋亂賊考一卷，春秋左傳義小錄二卷，春秋經傳旁通目十卷，春秋列女表一卷，春秋地名職官人名考略三卷，春秋國名今釋表一卷，學易札記四卷，易鄭氏及長廣義二卷，易經傳互卦厄言一卷，易章句異同一卷，易消息升降圖二卷，尚書學四卷，（即尚書經古法便說）逸周書集訓校釋增校一卷，（即逸周書開端記）詩集傳改訂四卷，（即詩傳箋補）詩序異同彙參一卷，詩地理今釋四卷，禮經注二卷二卷，三代禮損益考一卷，井田實稅法一卷，大戴禮校正二卷，（即大戴禮開端記）夏小正補傳一卷，四書講解二卷，四子書開端記四卷，（即懸解）論語紀年一卷，孟子紀年一卷，（二書疑即孔孟紀年）傳經義一卷，小爾雅約注一卷，禮疏補注一卷，七經緯韻一卷，古今韻單一卷，說文通訓定聲補遺二卷，說解商十卷，小學識餘四卷，經韻釋文注商一卷，說文引書分錄一卷，六書假借經微四卷，古說字形謬誤二卷，小字本說文開端記二卷，釋廟一卷，釋車一卷，釋帛一卷，釋色一卷，釋詞一卷，釋農具一卷，經史答問二十六卷，十六國考二卷，秦漢郡國考四卷，晉代諸氏世系考一卷，名人占籍今釋四卷，徐中山王諸系一卷，朱氏世系考二卷，歲星表一卷，天算瑣記四卷，數度衍約四卷，山名今釋一卷，各府縣人物志二十卷，淮南子開端記六卷，（即淮南書校正）老子開端記，列子開端記，莊子開端記，管子開端記，晏子春秋開端記，說韓非子札記，呂覽開端記，新序開端記，說苑開端記，鹽鐵論開端記，風俗通義開端記，荀悅申鑒開端記，論衡開端記，劉勰新論開端記，各若干卷，說苑六卷，軒岐至理四卷，漢書語四卷，顏治拾遺四卷，李杜韓蘇七言詩評選六卷，蘇詩分韻不分卷，如話詩錄一卷，（即白話詩錄）選詞九十調譜一卷，詞話二卷，傳經室文集六卷，（師撤補輯十卷賦一卷）詩集四卷，編讀開詩餘四卷，賦一卷，庚午女史百詠一卷，帖體詩二卷，時文二卷，均未記于年譜。蓋先大父重實踐，雖不欲以著述宏富自炫，故成書而未勘定，勘定而未鈔錄者，皆弗記載，足徵先賢律身修學之嚴矣。師為便後學備考，謹注所著諸編成書年月，可考者於譜內，其不可考者，仍付闕如云。民國七年八月 孫 師繼謹識。

序

故人陸萊臧司馬余之進士同年其次子宗鄒又余以長
女字之者也萊臧仕閩中不以能名所至有循良績大府
廉其守重其才遇大疑難事無不掣與襄理以此僕僕閩
越間星霜勞頓精力於是耗矣歲在戊戌奉檄權邵武郡
篆益自刻厲病來摧損以八月初二日卒於任所時方五
十歲也余奉職春明迢阻七千里越明年始得耗爲位哭
之甚惜其可以大用之才而未竟其用彼都人士失左右
手良可慟也又明年山右黃心齋司馬

宅中

以服闋待選

來都心齋爲同年友其女亦許字萊臧長子宗鄭且共官

於閩者把臂話舊語余萊臧治行不禁風前雪涕心齋已
選楚南理猺司馬將出京之前一日出萊臧手訂無成錄
一卷見示余因拙冗徹夜鈔竟次日歸之展卷讀畢計其
四十二年事距卒之歲尙少八年而遽止於是者則所取
無成之義竟似預示其讖而非徒未竟其用之謂誠哉其
無成也雖然成與無成之間豈必在未竟其用哉世固有
卅角初年已懷宏願動以古人自許者一朝遇合其學問
謀猷品槩行誼以及動靜出處語默仕止之間均足以抗
衡古喆平視流輩而或命與仇謀才豐運嗇同官者排擠
之後進者忌嫉之甚至當事者亦輕聽拂戾之卽有一二

貌附好賢之名託言以人爲事而一唱豈敵衆咻坐使浮
沉下位皓首無聞抱疾於無官守無言責惴惴焉時懼爲
獯獯所譏笑設遭錄用之時已迫劾罷之日偃蹇抑塞老
死將至如斯而曰無成斯真無成者矣如萊臧者雖未能
大展抱負而平居讀書所學關於民物已有措置不凡之
業是亦功德言不朽所分著者安得謂之無成而况四十
二年以後萊臧於此八年中教耕織行保甲籌防海急攘
夷戢鬪爭清訟獄理鹽課裕倉儲其所設施較四十二年
前尤宏尤鉅方來之幻境皆似早料及之閩嶠僚吏士民
皆能道其詳指其實余將採訪以增成之顏之曰無成而

有成錄以視甫離乳臭浮薄僥倖而因人以成者其所成
曾有幾何哉萊臧有知當亦含笑於九泉矣庚子八月十
一日年姻愚弟顧元凱序